



# ԱՌԱՋՆՈՐԴՈՒԹԻՒՆ ՀԱՅՈՑ

DIOCESE OF THE ARMENIAN CHURCH OF AMERICA, 630 SECOND AVENUE, NEW YORK, N. Y. 10016 212 686-0710

ARCHBISHOP TORKOM MANOOGIAN, PRIMATE

Մարտ 19, 1982

## ԱՌ ՏԻԱՐ ԺԻՐԱՅԻ ՀԱՆԸՄԵԱՆ

-----

Ինչպէս գիտէք 1979 Յուլիս 14ին, Թորոնթոյի Ս. Երրորդութիւն Հայց. Եկեղեցւոյ մէջ, Թեմական Խորհուրդի նիստին ներկայացան, ժամանակ մը ըմբոստ մնալէ յետոյ, տասնըերեք ազգայիններ՝ որոնք պաշտօնապէս յայտարարեցին որ որոշած են ենթարկուիլ Թեմական Կանոնադրութեան, Առաջնորդին եւ Թեմական Իշխանութեան, եւ պատրաստակամ են իրենց տրուելիք հրահանգներուն համաձայն կազմակերպել Թորոնթոյի մէջ մեր Թեմի երկրորդ համայնքը Ս. Խաչ Հայց. Եկեղեցի անունով:

Հակառակ իրենց խոստումին, մինչեւ թուականս, Թեմական Խորհուրդի կողմէ հաստատուած եկեղեցւոյ պաշտօնեաները մերժած են անսալ Թեմական Իշխանութեան հրահանգներուն, շարունակելով իրենց ըմբոստ ընթացքը, մինչեւ որ 1981 տարուան Թեմական Պատգամաւորական Ժողովի որոշումին համաձայն, Թեմական Խորհուրդը պարտաւորուեցաւ լուծել ծխական Խորհուրդը եւ ծխական համայնքը, եւ կրկին ձեռնարկել Թորոնթոյի մէջ Թեմական Իշխանութեան ենթակայ ծուխ մը վերակազմակերպելու աշխատանքին (1982 Մարտ):

Թեմական Իշխանութեան եւ Կանոնադրութեան անհնազանդ եւ համայնքին քայքայման պատճառ եղողներու պարագլուխ անձերէն կը նկատենք նաեւ ձեզ:

Ուստի, Թեմական Խորհուրդը 1982 Մարտ 18 նիստին մէջ, ակամայ պարտաւորուեցաւ եւ միաձայնութեամբ որոշեց հինգ տարիներու պայմանաժամով (մինչեւ 1987 Փետրուար) ձեզ զրկել Հիւսիսային Ամերիկայի Միացեալ Նահանգաց եւ Գանատայի մեր Թեմի համայնքներուն մէջ տրատու անդամ դառնալու, քուէարկելու եւ ընտրուելու առանձնաշնորհումէն:

Այսու գիրով, թեմական տորհուրդի որոշումը կը յայտնենք ձեզի ի գիտութիւն եւ ի գործադրութիւն:

Կը յուսանք որ դուք պիտի անդրադառնաք ձեր արարքներու ծանրակշիռ բնոյթին, եւ ջանադիր պիտի ըլլաք ձեր ընթացքը ուղղելու՝ ձեր հոգեկան բաւարարութեան եւ Հայց. Եկեղեցւոյ բարգաւաճման համար:

Աղօթարար

ԹՈՐԳՈՄ ԱՐՔԵՊԻՍԿՈՊՈՍ  
Առաջնորդ